

洪憲元年一月十四日星期五第九號

政事堂印鑄局發行

北京東長安牌樓王府井大街  
電話東局二百零一號

# 政

二五

統率維一處

# 報

### 本報價目

- 一本報按照陽曆每日出報一號
- 一定購三月者收回大洋二元三毛
- 一定購長年者收回大洋八元
- 一外埠購報每半年加郵費洋一元

如送報夫役私自加價請告知本局以便查究是為至要

- 一定購一月者收回大洋八毛
- 一定購半年者收回大洋四元五毛
- 一零售每號銅元五枚以本日為限
- 一裝訂每月收回大洋一毛五分不裝訂者聽

# 目錄

## 命令

## 奏摺

河南商邱縣公立中校長王振鏞 縣視學員孫鼎 高等小校長王錫琴 公啟局紳界蔡文范 教育會長柴師程 商務會商界孫永慶

等呈大典籌備處皇位未定薄海企待謹合詞勸進伏乞代呈聖鑒文

國務卿奏據銓叙局詳稱新疆軍務廳書記官

李杞南等員遵令照補文官摺

陸軍部奏協領徐希廉年滿懇請記名並准予

覲見摺

海軍部奏收回肇和軍艦在事出力士兵鄭玉

平等續請獎給勳章摺(附單)

農商部奏擬設林務處專管全國森林事務謹

擬章程概算恭摺祈鑒摺(附單表)

蒙藏院奏謹將洪憲年號譯成蒙文恭候核定

以便通行各旗遵守摺

籌備國民代表大會事務局局長顧鼐奏報明

山西國民代表選舉先後辦理情形摺

籌備國民代表大會事務局局長顧鼐奏報國

民代表大會據廣西省國民代表選舉監督册報先後辦理選舉投票暨決定國體投票情形摺

督辦全國菸酒事務鈕傳善奏全國菸酒事務

署擬設坐辦一員乞訓示摺

都翊衛使阿穆爾靈圭奏副使陽倉扎布銷假

摺

京兆尹王達奏擬請將本署各職人員王沛等

分別叙官摺

兼署奉天巡按使段芝貴奏備具簡任資格人

員顏世清等懇請從優叙官摺

安武將軍督理安徽軍務倪嗣冲按 使李兆珍奏淮北一區域皖境

平面測量擬請由皖省自辦附具簡章圖說

請示摺

安徽巡按使李兆珍奏彙報委用各縣知事員

缺繕單祈鑒摺(附單)

山東巡按使蔡儒楷奏前萊蕪縣知事凌念京

等擊獲命案眞實凶犯在三日以內擬請接

例給獎摺

山西巡按使金永奏核准免試知事杜錫麟現

充要差援案懇免考詢先行分發任用並緩

覲見摺

山西巡按使金永奏冀寧道尹公署暨全省農

桑總局薦委待遇各職員擬請分別叙官摺

署四川巡按使陳宦奏報四年十月分委署各

縣知事摺(附單)

兼代廣東巡按使龍觀光奏核准免試知事董

盛柏等現任要職援案請免考詢先行分發

任用並准緩覲摺

兼代廣東巡按使龍觀光奏擬調達恩承留粵

任用並緩覲見請訓示摺

廣西巡按使王祖同奏請將政務廳長杜嚴叙

官摺

廣西巡按使王祖同奏調分廣東任用現署蒼

梧縣知事任祖安請仍改分廣西摺

雲南巡按使任可澄呈華坪縣屬被水成災飭

委覆勘文

昭武上將軍督理熱河軍務兼熱河都統姜桂

題奏恭報舉行宣誓日期暨飭屬遵辦情形摺

綏遠都統潘矩楹奏為彙報民國四年分綏遠

區各縣夏收分數繕單祈鑒摺(附單)

綏遠都統潘矩楹奏薦任文職聶樹屏王為幹

二員請予叙官摺

督辦近畿疏通河道事宜徐世光奏近畿疏通

河道公所存記人員及任事各職擬請分別

叙官摺

步軍統領江朝宗奏報京師及四郊地面得雪

情形摺

督辦全國菸酒事務鈕傳善奏改設全國菸酒

事務署於一月一日治事並啟用關防摺

廣西巡按使王祖同奏報鎮南道尹馬振濱到

任日期並代陳謝悃摺

廣西巡按使王祖同奏轉報署鎮南道尹馬振

濱奉到新印及啟用日期摺

長沙關監督兼任外交部特派湖南交涉員劉

道仁奏報到任日期並敬抒謝悃摺

### 公電

湖北將軍王占元巡按使段書雲電奏

湖南將軍湯壽銘巡按使沈金鑑電奏

山東將軍靳雲鵬巡按使蔡儒楷電奏

陝西將軍陸建章等電奏

湖北將軍王占元巡按使段書雲電奏

吉林將軍孟恩遠巡按使王揖唐電奏

大同孔庚電奏

經棚崑源電奏

河南將軍趙倜巡按使田文烈電奏

上海護軍使楊善德護軍副使盧永祥電奏

諭令

政事堂奉

策令賽音諾彥王那木那蘇倫給予一等嘉禾章濟農郡王希甯達木定輔國公車林多爾濟給予二等嘉禾章此令

政事堂印

洪憲元年一月十三日

國務卿陸徵祥

政事堂奉

策令吳鈞給予三等嘉禾章陸懋勳顧松慶給予四等嘉禾章此令

政事堂印

洪憲元年一月十三日

國務卿陸徵祥

政事堂奉

策令陳經給予三等嘉禾章許逢時給予四等嘉禾章此令

政事堂印

洪憲元年一月十三日

國務卿陸徵祥

政事堂奉

策令朱兆莘給予四等嘉禾章此令

政事堂印

洪憲元年一月十三日

國務卿陸徵祥

政事堂奉

策令段永年鮑志鴻均給予四等嘉禾章此令

政事堂印

洪憲元年一月十三日

國務卿陸徵祥

政事堂奉

策令周琮給予四等文虎章此令

政事堂印

洪憲元年一月十三日

國務卿陸徵祥

政事堂奉

策令任命劉焜爲浙江全省警務處處長此令

政事堂印

洪憲元年一月十三日

國務卿陸徵祥

政事堂奉

策令劉保鴻羅天澤張光燾均授爲中大夫此令

政事堂印

洪憲元年一月十三日

國務卿陸徵祥

政事堂奉

策令國務卿奏據銓叙局詳稱逾核籌辦陸軍軍需事宜處薦任待遇職員資格請予叙官等語凌重倫授爲中大夫此令

政事堂印

洪憲元年一月十三日

國務卿陸徵祥

政事堂奉

策令國務卿奏據銓叙局詳稱遵核耀武上將軍行署薦任待遇各職員資格請予叙官等語  
章樹模蘇建斌授為中大夫唐鏡朱光均蔣乃勳授為少大夫此令

政事  
堂印

洪憲元年一月十三日

國務卿陸徵祥

政事堂奉

策令陸軍部奏准察哈爾都統張懷芝咨請以明珠爾多爾濟承襲世管佐領應照准此令

政事  
堂印

洪憲元年一月十三日

國務卿陸徵祥

政事堂奉

申令財政部奏為遵核湖南省綏寧等縣水災案內蠲緩豁免錢糧租穀各數與例相符彙案  
具奏等語湖南綏寧永順武陵桃源等縣上年水災甚重損害田畝若將應輸銀穀同時並  
徵民力實有未逮既據該部覆核該省所請蠲緩豁免數目按照各縣原冊尚屬相符與條  
例亦無不合應即分別蠲緩豁免以紓民力仍由該部轉行該巡按使將詳細數目刊發布  
告俾衆周知總期實惠均霑用副軫恤災黎之至意此令

政事  
堂印

洪憲元年一月十三日

國務卿陸徵祥

政事堂奉

申令內務部奏准文官高等懲戒委員會議決福建巡按使許世英呈劾撤任長汀縣知事張衡皋辦賑延緩一案照知事懲戒條例應受褫職並奪官處分等語張衡皋著准照所議褫職並停叙實官以示懲儆此令

政事堂印

洪憲元年一月十三日

國務卿陸徵祥

政事堂奉

申令內務部司法部奏准文官高等懲戒委員會議決貴州黃平縣知事盧嚴方辦案錯誤應受褫職奪官非滿六年不得開復處分甘肅平涼縣知事張文泉玩視司法應受褫職奪官非滿八年不得開復處分湖北孝感縣知事吳本義疏防監犯應受降等處分等語著准照所議盧嚴方張文泉即行褫職停叙實官吳本義即行降等張文泉所犯涉及刑事範圍並著提交法庭訊辦以示懲儆餘均如擬辦理此令

政事堂印

洪憲元年一月十三日

國務卿陸徵祥

國務卿奏據銓叙局詳稱遵核官內辦事薦委任各職員資格請叙官由  
政事堂奉

批令劉保鴻等已另有令明發其委任待遇李樹芬等十三員並准如擬授官此令

政事  
堂印

洪憲元年一月十三日

國務卿陸徵祥

國務卿奏據銓叙局詳稱核獎湖北辦理清鄉出力人員萬成春等勳章由  
政事堂奉

批令准其如擬分別給獎此令

政事  
堂印

洪憲元年一月十三日

國務卿陸徵祥

國務卿奏據銓叙局詳稱遵核籌辦陸軍軍需處暨模範隊事務處薦委任各職員資格  
請叙官由

政事堂奉

批令凌重倫已另有令明發其委任待遇許中傑等六員並准如擬授官此令

政事  
堂印

洪憲元年一月十三日

國務卿陸徵祥

國務卿奏據銓叙局詳稱遵核耀武上將軍行署薦委任軍用文職各員資格請叙官由  
政事堂奉

批令章樹模等已另有令明發其委任待遇汪先庚等十五員並准如擬授官此令

政事  
堂印

洪憲元年一月十三日

國務卿陸徵祥

國務卿奏據銓叙局詳稱周琮奉獎四等嘉禾章章等重複擬請改獎四等文虎章由  
政事堂奉

批令周琮准其改獎已另有令明發矣交陸軍部查照此令

政事  
堂印

洪憲元年一月十三日

國務卿陸徵祥

內務總長朱啟鈞奏奉派驗收正陽門工程謹將查勘情形恭摺具陳由

政事堂奉

批令悉此令

政事堂印

洪憲元年一月十三日

國務卿陸徵祥

內務總長朱啟鈞片奏京奉鐵路副局長徐廷爵監修正陽門工程擬請特予從優叙官  
由

政事堂奉

批令交政事堂飭銓叙局核叙此令

政事堂印

洪憲元年一月十三日

國務卿陸徵祥

內務部奏遵令派員赴陝查勘煙禁據報詳細情形由

政事堂奉

批令悉應責成該省巡按使督飭各該地方官認真查禁務期一律肅清即由該部轉行遵照  
此令

政事  
堂印

洪憲元年一月十三日

國務卿陸徵祥

內務部奏京兆固安縣知事趙毓衡緝捕得力酌擬獎勵由  
政事堂奉

批令趙毓衡著傳令嘉獎此令

政事  
堂印

洪憲元年一月十三日

國務卿陸徵祥

內務部奏遵議阿爾泰辦事長官所屬文職人員保獎辦法由  
政事堂奉

批令准如所議辦理即由該部行知遵照並由政事堂飭銓叙局查照此令

政事  
堂印

洪憲元年一月十三日

國務卿陸徵祥

內務部奏廣西南寧警察廳薦委任各職員請予分別叙官由

政事堂奉

批令交政事堂銜銓叙局核叙此令

政事堂印

洪憲元年一月十三日

國務卿陸徵祥

司法  
內務  
財政  
農商

部奏為會核察哈爾馬羊羣地方擬設墾務行局兼設治局一案祈聖鑒訓示由

政事堂奉

批令准如所擬辦理即由各該部轉行遵照此令

政事堂印

洪憲元年一月十三日

國務卿陸徵祥

財政部奏河南浙江二省承募四年公債出力各員援案請獎恭摺仰祈聖鑒由

政事堂奉

批令吳鈞等已有令明發趙基年等均著傳令嘉獎餘如所擬給獎交政事堂銜銓叙局查照此令

政事  
堂印

洪憲元年一月十三日

國務卿陸徵祥

陸軍部奏報民國四年十一月分本部支出款目清冊仰祈鑒由

政事堂奉

批令悉交財政部查照冊並發此令

政事  
堂印

洪憲元年一月十三日

國務卿陸徵祥

陸軍部奏彙案請補陸軍連長及相當職缺人員由

政事堂奉

批令准其補授此令

政事  
堂印

洪憲元年一月十三日

國務卿陸徵祥

陸軍部奏彙報四年十二月分各師旅委署排長及相當職缺人員繕單祈鑒由

政事堂奉

批令悉單存此令

政事堂印

洪憲元年一月十三日

國務卿陸徵祥

陸軍部奏軍官孫海波因案收賄擬請依律判罪並褫奪官勳由

政事堂奉

批令孫海波著即褫奪陸軍步兵中尉原官暨所得勳章歸案執行附件存此令

政事堂印

洪憲元年一月十三日

國務卿陸徵祥

海軍部奏報匪犯陳可鈞執行正法日期由

政事堂奉

批令悉此令

政事堂印

洪憲元年一月十三日

國務卿陸徵祥

司法部奏直隸江蘇等省辦理司法事務著有勞績人員俞應望等擬請給予本部獎章

由  
政事堂奉

批令准如所擬給獎單存此令

政事  
堂印

洪憲元年一月十三日

國務卿陸徵祥

司法部奏山西高等審判廳廳長陳福民奉給四等嘉禾章代陳謝悃由  
政事堂奉

批令悉此令

政事  
堂印

洪憲元年一月十三日

國務卿陸徵祥

司法部奏察哈爾縣旗會審案件擬請暫不適用審限規則由  
政事堂奉

批令准如所擬辦理即由該部轉行遵照此令

洪憲元年一月十三日

政事堂印

國務卿陸徵祥

交通部奏粵漢鐵路贖路借款本息業經全數清償請鑒示由  
政事堂奉

批令悉交財政部查照此令

政事堂印

洪憲元年一月十三日

國務卿陸徵祥

審計院院長孫寶琦奏遵令審查江蘇省江寧商民賑卹票款擬請准予核銷祈鑒示由  
政事堂奉

批令准予核銷此令

政事堂印

洪憲元年一月十三日

國務卿陸徵祥

蒙藏院奏阿克蘇回部員勒哈迪爾蒙賞銀幣制服專摺謝恩代陳請鑒由  
政事堂奉

批令悉此令

政事  
堂印

洪憲元年一月十三日

國務卿陸徵祥

蒙藏院奏本院司長傅柏銳恭奉任命代陳謝悃由

政事堂奉

批令悉此令

政事  
堂印

洪憲元年一月十三日

國務卿陸徵祥

蒙藏院奏據情代陳奉天延壽寺綽爾濟達喇嘛等貢品由

政事堂奉

批令貢品照收由該院照章辦理單存此令

政事  
堂印

洪憲元年一月十三日

國務卿陸徵祥

蒙藏院奏昭烏達盟敖汗右旗扎薩克和碩親王色淩端魯布竭誠推戴遺子輔國公色索特雅爾帙勒來京可否准其代值年班請示由

政事堂奉

批令准其代值年班此令

政事堂印

洪憲元年一月十三日

國務卿陸徵祥

中國銀行總裁李士偉等奏彙呈中國銀行分行號所推戴賀電由

政事堂奉

批令悉單存此令

政事堂印

洪憲元年一月十三日

國務卿陸徵祥

前烏里雅蘇台將軍那彥圖奏籌辦蒙務結束呈繳印信其在事異常出力各員擬請比照薦委任分別准予叙官由

政事堂奉

批令悉所請將在事出力人員分別叙官之處交政事堂飭銓叙局核議具覆此令

政事堂印

洪憲元年一月十三日

國務卿陸徵祥

陸軍中將陳光遠奏旅長劉啟垣等蒙授世職據情代陳謝悃由  
政事堂奉

批令悉此令

政事堂印

洪憲元年一月十三日

國務卿陸徵祥

安武將軍督理安徽軍務一等公倪嗣冲奏代陳安武軍第一路統領馬聯甲封爵謝恩  
由

政事堂奉

批令悉此令

政事堂印

洪憲元年一月十三日

國務卿陸徵祥

署浙江巡按使屈映光奏請將本處原設警務處遵章改組并預保堪勝警務處長人員  
籲請簡派由

政事堂奉

批令准其改設交內務部查照並另有令任命劉焜爲處長矣此令

政事堂印

洪憲元年一月十三日

國務卿陸徵祥

德武將軍督理河南軍務趙倜奏歸德鎮守使寶德全等奉令封賞爵職據情轉陳謝悃  
由

政事堂奉

批令悉此令

政事堂印

洪憲元年一月十三日

國務卿陸徵祥

# 奏摺

河南商邱縣省立中校長王振羣 高等小校長王錫琴 教育會長柴師程 縣視學員孫鼎 公教局紳界蔡文范等呈大典籌備處皇位未定薄海企待謹合詞勸進伏乞

## 代呈聖鑒文

為 皇位未定薄海企待謹合詞勸進伏乞大典籌備處鈞鑒代呈仰祈 聖鑒事竊以天生蒸民樹之  
以君所以神彼蒼好生用為合羣進化之主者也雖然橫覽歐亞堅窮歷史實克與斯者曾有幾人伏維我  
皇帝矩動天隨道立風同服事之年已孕文明之種種鼎革之後尤著成功之巍巍故今者學子莘莘多士  
濟濟雖書生之氣未脫難忘蕩蕩莫名即帝則之順不知豈味炳炳大義謹維驗之朝野準之經義揆世界進  
化公例質我國民族心理見有非我 皇帝早登大寶無以慰寰海喁喁向治之心者何者自鑿安會發生  
後請願慶祝雲起潮湧全國大勢悉奔赴於 大皇帝之職下天與人歸前古未有此規之朝野見我  
皇宜速躋帝位者一也且春秋之義分明君臣然尤實以張三世為義故麟經而外復於易取湯武之革命於  
詩首文王以明立憲於書首堯舜以明民權誠以此中消息神明存人也今我 皇應朝野之趨向變更國  
體光明正大質之列聖誠無間然此准諸經義見我 皇宜速即帝位者二也況乎世界進化宜循階級我  
國自唐虞之有貴族習氣三代之有封建餘孽外秦漢以還政體專制今由專制而君憲將開明之憲法告成  
超德日而大放異彩者非賴我 皇握乾符而闡坤珍孰克與於斯此驗之政治進化階級見我 皇宜  
速即帝位者三也至於質之我數千年軒黃之裔四百兆神明之胄之靈孰非欲舉至高無尚之統治權以奉  
我 皇冀以鞏固之國權扶持民族進步者則夫我國民忍舍共和趨君憲亦從自省自覺中知非此不足  
促民族進化者也則此番國體變更神農虞夏列聖在天之靈其式憑者矣此質之我國民族心理見我  
皇宜即帝位者四也總之天道無親惟德是輔民罔常懷懷於有仁前清之季朝政不綱共和四年民德日壞  
天演之例衆為惕然苟非我 皇帝即踐大位以正人心扶民權則危險有不忍言者薄海之勸進既已爭

先豐沛之歡呼豈有獨後故敢不辭冒昧爲此籲請商邱縣紳商界等謹薰沐呈詞上陳勿任嗚望迫切之至

國務卿奏據銓叙局詳稱新疆軍務廳書記官李杞南等員遵令照補文官摺

奏爲新疆軍務廳書記官李杞南等員遵 令照補文官恭摺仰祈 聖鑒事據銓叙局詳稱本年十一月

月四日堂交新疆巡按使楊增新電呈軍務廳人員襄辦軍事數年於茲不無微勞足錄擬請量予獎勵等語奉 令該省軍務廳各員既據臚陳成績自應准予獎勵劉崑玉等應准照補軍官交陸軍部查照呈辦

李杞南等二員應准照補文官交政事堂飭銓叙局查照辦理等因查原電內開軍務廳書記官李杞南軍需科科員楊煥章二員均請補授中士核與文官官秩令委任職授官之規定尙相符合擬請照准將該員等均授爲中士俾昭激勵等情詳請轉奏前來理合恭摺具奏伏乞 皇帝陛下聖鑒訓示謹 奏

政事堂奉

批令李杞南等均准如擬授官此令

政事堂印

洪憲元年一月七日

國務卿陸徵祥

陸軍部奏協領徐希廉年滿懇請記名並准予覲見摺

奏爲協領年滿懇請記名並准予覲見恭摺具陳仰祈 聖鑒事竊准鎮安右將軍督理黑龍江軍務朱慶瀾咨陳據庫瑪爾路鄂倫春協領徐希廉詳稱協領於前清宣統元年七月二十五日起至中華民國四年

九月初四日止協領六年俸滿應循舊章轉請給咨赴京 覲見等情查該協領學識兼優老成穩練安撫鄂民設學興墾漸有成效現屆俸滿之年相應咨部鑒核等因到部查舊例各省駐防年滿協領送部帶領引

見如有奉旨交兵部記名者由部將記名協領職名隨時知照軍機處等語今庫瑪爾路鄂倫春年滿協領徐

希廉應否援例 准予覲見並以副都統記名回任候陞之處理合恭摺具陳伏乞 皇帝陛下聖鑒訓

示謹 奏

政事堂奉

批令徐希廉應准以副都統記名回任候陞毋庸覲見此令

政事堂印

洪憲元年一月七日

國務卿陸徵祥

海軍部奏收回肇和軍艦在事出力士兵鄭玉平等續請獎給勳章摺(附單)

奏為收回肇和軍艦在事出力士兵擇尤續請獎給勳章恭摺具陳仰祈 聖鑒事竊查收回肇和軍艦在

事出力之海軍官佐士兵請予獎勵一案業經臣部先後奏奉 批准在案茲據職留任海軍總司令李

鼎新詳稱竊查尚有肇和軍艦帆纜中士鄭玉平等當該艦被劫時首先往通濟軍艦報告因之本處調度布置

立將該艦收回該中士實為臨事最得力之人現已擢補該艦槍礮上士應請從優給獎又查該艦帆纜中士

王品安係來本處報告擬請一律給獎等情到部臣部覆查該上士鄭玉平等及中士王品安二名確係在事出

力著有微勞擬請獎給勳章以昭激勸謹恭摺繕單具陳是否有當伏乞 皇上聖鑒訓示謹 奏

政事堂奉

批令准如所擬給獎單存此令

政事堂印

洪憲元年一月七日

謹將收回肇和軍艦在事出力士兵擇尤續請獎勵繕單恭呈 御覽

計開

肇和軍艦槍礮上士鄭玉平

以上一名擬請給予七等文虎章

肇和軍艦帆纜中士王品安

以上一名擬請給予八等文虎章

農商部奏擬設林務處專管全國森林事務謹擬章程概算恭摺祈鑒摺(附單表)

奏為 臣部擬設林務處專管全國森林事務謹擬章程概算恭摺仰祈 聖鑒事竊惟伯益受官實掌草木司徒任職亦列虞衡是欲期林政之修明端賴專官之治理近考東西各國亦莫不設有山林林務等局為專管之機關故林業日益振興民生日益饒富而每歲森林收益且占國家歲入中之一大部分吾國幅員遼闊邊省森林豐富固宜急起經營而內地滿目荒山棄置尤為可惜亟宜切實規畫以資興利臣部有綜理山林之責前農林部時本設有林務司專司其事嗣以農林工商合併歸為農林一司一年以來該司事務日繁而林政範圍尤廣兼籌並顧實難奏功各省森林事業概由實業科員經理既無專注之精神亦乏淹通之才識再四思維欲求切實進行非由臣部特設機關並分區派員專辦不足以重責成而期進步茲經通盤規畫擬於臣部附設林務處專管全國森林事務設督辦一人即以臣部次長兼任會辦二人以確有森林學識經驗者充任其餘技術事務人員均以臣部現有人員及東西洋林科畢業學生遴選派充並暫就各省行政區域劃作林區各設林務專員一人專辦該區林務由部遴選合格人員會同巡按使奏任林務處之經費則由中央擔任其各省林務專員及各縣造林經費則由各該省及各縣地方分任於省行政實業經費項下開支似此明定責成庶幾人才合而見多經費分而易舉於林政前途不無裨益謹擬林務處暫行章程十六條並

部附設林務處五年度概算一併繕摺恭呈 御覽如蒙 核准即由巨部遵照辦理並分咨財政部暨各省巡按使遵照一俟中央官制修改再行奏請將農林司職掌修正以符名實所有巨部擬設林務處專管全國森林事務並擬具章程概算緣由理合恭摺具陳謹乞 皇帝陛下聖鑒訓示謹 奏

中華民國四年十二月三十一日

謹擬農商部林務處暫行章程繕具清單恭呈 聖鑒

第一條 農商部附設林務處遵照森林法及施行細則管理全國森林事務

第二條 林務處設督辦一人以農商部次長兼任並設會辦二人承長官之命辦理本處事務又設林務技術等官以本部技術官及有林科學識經本部試驗合格人員派充

第三條 暫以行省區域爲林務區域作爲大林區但因事務之必要時林務處承長官之命得增設大林區

第四條 每大林區設林務專員一人承巡按使及林務處之指示專辦該區林務

第五條 所有未經劃區之地由林務處承長官之命體察情形妥籌辦法隨時施行

第六條 各省林務專員以有林科學識及行政經歷者由農商部會同巡按使奏任之

第七條 林務專員之職務及辦事規則由林務處妥擬詳請農商部核准施行

第八條 省林務行政經費列入省預算

第九條 各縣爲提倡造林應每年籌二百元以上之林務費

第十條 林務處對於林產賦稅之徵收有維持推廣之責對於各項木稅規則暨徵收手續有條議整理之責

第十一條 林務處應設之科及各科應掌之職務由部另定之

前項各科人員額數應根據每年預算辦理

第十二條 林務處因事務之必要時得添用臨時僱員

第十三條 林務處任用各項職員之規則由部另定之

第十四條 林務處各科辦事細則及其他應有之規則由林務處妥擬詳部核定

第十五條 本章程如有未盡事宜得由部隨時修正奏請核定

第十六條 本章程自奏准之日施行

謹將農商部林務處五年度概算列表恭呈 聖鑒

計開

歲出經常門

科 目 概 算 數 備

第一款林務處經費 九七、六〇〇

第一項俸薪 三六、八〇八

第一目俸給 四、三二〇

第一節督辦 四、三二〇

第二節會辦 四、三二〇

第三節薦任官 四、三二〇

第四節委任官 四、三二〇

第二目津貼 三〇、五二〇

第一節洋員 一七、二〇〇

第二節林務員 一一、五二〇

第三節林務練習員 一、八〇〇

第二目薪水 七六八

以次長兼任不另支俸

會辦額設二人月俸各三百六十元但一名由洋顧問兼任可不另支俸

仍以農林司第二科諸薦任官充任不另支俸

同前

林務顧問一名年支一萬元林務員一名年支七千二百元

一等林務員一人月支二百八十元二等一人月支二百元三等二人各月支一百二十元四等三人各月支八十元

六名平均各月支二十五元

第一節錄事	七六八	二名平均各月支三十二元
第四目工資	一、二〇〇	
第一節匠人	六〇〇	木漆匠各一名平均各月支二十五元
第二節夫役	六〇〇	五名平均各月支十元
第二項辦公費	三、九一二	
第一目文具	一、〇二〇	
第一節紙張	一八〇	平均每月十五元
第二節簿籍	一八〇	平均每月十五元
第三節筆墨	一二〇	平均每月十元
第四節印刷	三六〇	平均每月三十元
第五節雜件	一八〇	平均每月十五元
第二目郵電	六一二	
第一節電報	一八〇	平均每月十五元
第二節郵費	二四〇	平均每月二十元
第三節電燈	一二〇	平均每月十元
第四節電話	七二	每月六元
第三目購置	一、九二〇	
第一節器具	四八〇	平均每月四十元
第二節圖書	六〇〇	平均每月五十元
第三節雜品	八四〇	平均每月七十元

第四目消耗

三六〇

第一節茶水

一二〇

平均每月十元

第二節薪炭

一八〇

平均每月十五元

第三節油燭

六〇

平均每月五元

第三項雜費

五六、八八〇

第一目工程

二四〇

第一節土木修繕

二四〇

平均每月二十元

第二目旅費

八、四〇〇

第一節旅費

八、四〇〇

調查測繪平均每月七百元

第三目雜支

一、二〇〇

第一節雜支

一、二〇〇

平均每月百元

第四目特別費

四七、〇四〇

第一節標本費

八四〇

採集木質標本分送或發售中外各處

第二節樹種

六、二〇〇

採集暨收買樹種分送或發售中外各處

第三節苗圃

二五、〇〇〇

多興苗圃以供清明植樹節及平時造林之用

第四節造林

一〇、〇〇〇

政府自行造林以爲人民之先導

第五節保護

五、〇〇〇

雇用林警或津貼地保及附近林地之農民隨時保護

支出臨時門

目 概算數備

第 科 款林務處經費

三九、六〇〇

考

第一項開辦費

第一目購置

第一節土地

三九、六〇〇  
三三、一〇〇  
二五、〇〇〇

擬購地五百畝用作苗圃每畝以五十元計故得上數其在有官地適用之處此費可省

第二節儀器

一一、〇〇〇

各項測繪儀器

第三節圖書

一、〇〇〇

中外林務圖書

第四節農具及傢具

二、〇〇〇

第五節牛馬

一一、一〇〇

牛二十四頭馬六匹每隻約七十元

第二目建築

第一節房屋

五、〇〇〇

諸苗圃內約合平房五十間每間作一百元計

第三目雜支

一一、五〇〇

第一節雜支

一一、五〇〇

蒙藏院奏謹將洪憲年號譯成蒙文恭候核定以便通行各旗遵守摺

奏為謹將洪憲年號譯成蒙文通行各旗以資遵守恭陳仰祈 聖鑒事竊讀十二月三十一日 申令

據大典籌備處奏請改元一摺明年改為洪憲元年此令等因 渙汗所布薄海同欽伏思繫年為行政要

綱巨院所轄蒙旗各地幅員遼闊文字不同輾轉流傳易滋訛誤殊不足以昭鄭重而歸劃一謹就洪憲年號

譯成蒙文另繕清單恭呈 御覽俟奉 移定後再行通飭各旗一體遵照是否有當理合具陳伏乞

皇帝陛下訓示施行謹 奏

政事堂奉

批令悉即由該院通行遵照單存此令

政事堂印

政事堂印

洪憲元年一月七日

國務卿陸徵祥

籌備國民代表大會事務局局長顧鼐奏報明山西國民代表選舉先後辦理情形摺

奏為報明國民代表大會據山西省國民代表選舉監督報告先後辦理情形恭摺仰祈 聖鑒事竊查國

民代表大會各省及各特別行政區域籌備大概情形及選舉人資格選舉場所並選舉代表決定國體兩項

投票日期前經臣局分別繕單彙呈在案現在國體業經決定各處所有依法辦理詳細情形自應分省彙案

核明具報以昭鄭重茲據山西省國民代表大會選舉監督同武將軍閻錫山巡按使金永造具山西籌辦國

民代表大會情形暨山西選舉國民代表及決定國體投票開票情形各報告書以及一應名冊咨送前來臣

局詳加覆核一切選舉程序及各選舉人並當選人資格均與法定相符謹據該監督報告各節為我 皇

帝陛下縷晰陳之一山西省國民代表大會自奉到 申令公布國民代表大會組織法之後即於十月十

三日專設事務局開始籌辦由該監督委派將軍署參謀長趙戴文冀寧道尹朱善元等十員為承辦員山

西任用縣知事馬文涵等二員為委員並由該事務所聘請山西財政廳科長仇曾詒等十七員為名譽參議

員山西醫院院長石亮熙等八員為調查員旋於十月二十八日准該監督將依法認定有國民會議權選被

選資格人員杜上化等二百十六名電報前來臣局即於三十日核復至此項有覆選被選資格人員查均由

該監督先期派員調查明確後復經該監督自行詳核一過方予報局覆核其初選當選人一項查山西省於

初選事宜籌辦實為最早迭經該監督嚴飭各縣於舉行調查之始依法認真辦理故初選選舉人既皆合格

之選則初選當選人自無濫竽之弊此山西省籌備國民代表大會之次第情形也一山西省選舉國民代表

投票日期係定於十月二十九日先期由該監督委派侯國藩等二十四員為投票所管理員仇曾詒等二十

員為投票所監察員王嗣昌等八員為調查員湯文鎮等七員為開票所管理員趙戴文等三員為開票所監

察員並先由該事務所將選舉程序擬定清單詳由該監督批准施行據該單所定者一選舉國民代表之投

票日期除應由監督依法宣示外並由事務所先期函達各選舉人以期周知二凡投票應守之秩序應由事務所按照立法院議員選舉法各條之規定將投票人須知事項分條列舉印刷多分於入場時每人分散一分以資遵守三選舉場內之職務應由監督委派監察管理各員分司辦理並應責成事務所承辦員總管一切事宜四選舉場投票開票所有照常違章守衛事宜應由監督飭派軍官警官酌帶警隊若干名專司其事五本月二十九日上午八鐘為投票時間其開票時間應由監督臨時酌定宣示六開票後所有當選姓名應由監督依法榜示於選舉場外七當選代表各員除已榜示外并由事務所另函通知八選出代表後應由監督將選舉情形及當選人姓名先行電報北京辦理國民代表大會事務局并另造清冊續報以上各條據該秩序單所規定均尚周密查是日投票場所係設在該省前省議會內該監督屆時蒞會督同各職員妥慎將事各初選當選人及有覆選被選資格者兩項人員共二百一十五人亦均一體到會自上午八鐘起至十二鐘止投票完畢由該監督宣布即日當眾開票按照縣額選出代表陸近禮等一百零二名隨將各代表姓名榜示於選舉場外一時觀者如堵咸慶選舉得人克勝代表之職該監督即一面電報來局並聲稱會場秩序極為嚴肅人民趨向尤為肫摯等語此山西省選舉國民代表之情形也一山西省國民代表決定團體投票日期係定於十月三十一日其場所係設在同武將軍行署因代表中有張肯構一名因病未能到會特由該監督電局請以候補當選第一名劉械補充亦即日由局核覆辦理查是日會場特添設彩棚加以裝飾並劃分出入路線及畫到處投票處寫票處票簿簽字處驗票處投票處授出場券處收出場券處休息室等處佈置均甚整齊所有管理監察投票開票各員即以辦理選舉代表投票開票各員兼充是日九點鐘各代表一百零二名全體蒞會先由該監督宣讀十月八日 告令各代表皆曉然於此次之投票解決團體實係徵求真確之民意次復宣示投票標題各代表起立恭聽依次投票完畢即由該監督率同管理監察各員當場開票計贊成君主立憲者全體一致該監督即一面電報來局並以此次解決團體為數千年未有之盛典特飭照相館將會場情形用十二寸攝影分別拍照以資紀念此山西省國民代表決定團體之情形也嗣復准

該監督等於迭送報告書時咨稱查此次國民代表大會組織法關係國家根本大計非通常選舉投票之事所可比擬自奉 令公布後迭准貴局文電頻頒於法文意義解釋至為周詳於程序進行規畫尤極完備本監督等同負法定責任非但不敢稍形草率並於依法進行之中尤為特別鄭重之意姑撮大要約有四端一曰遴委承辦員之注意也查組織法所定長官職司監督責無旁貸第籌備事繁非有賢員不足以資佐理非設專所不足以重責成本監督等於奉 令之初即經商定特立事務所辦理所委派各員於選舉法律既所熟悉於地方情形又極周知本監督等隨到所督同辦事各員朝夕從公不遑寢食以短促之時間而行繁重之手續以嚴整之方法而行文明之規肅幸襄助得人措施尚無貽誤等語此注意用人者一二曰預備選舉人之注意也查國民代表之選舉以國民會議初選當選人及有覆選被選資格者選舉之則代表之龍否得人全以選舉人為基礎本監督對於初選籌辦為時已久迭飭各縣從嚴調查力杜捏報資格希增濫額之弊是以初選當選至為核實其覆選被選資格一項按法雖無必經調查審查之規定但為格外慎重起見先委調查員八人查照國民會議冊列將紳學商各界分投查填完竣復經本監督等會同審核始予認定及至投票之期田間父老扶杖而來鄉望紳耆聯翩而至羣情敦篤望治維殷所選代表資望既屬素符籍貫又均土著禮貌相加與有榮幸此注意法定選舉者一二曰選舉投票場之注意也查法定投票場所止言設於監督所在地尙未明定機關本監督等以選舉係一般人民所觀瞻應設置於接近社會之地因擇定前諮議局會議會舊址以昭曠然大公至於解決國體鉅典煌煌應別求重地以壯宏謨爰定在同武將軍行署添設彩欄酌加修飾俾此堂皇正大之盛舉深印人心永為紀念各代表於全體一致贊成君憲之後即高呼萬歲歡聲雷動一時會場氣象備極尊嚴秩序儀文洵屬完美此注意投票地址者三四曰動用選舉費之注意也此次辦理兩項事宜需費雖准作正開銷而值此財政困難自應以撙節為主所有承辦人員均盡義務即參議調查各職亦不支薪其他一切開支諸從省約較原定額支之數尙未及半此注意撙節經費者四本監督等忝膺重寄勉襄盛舉既於法中守其範圍復於法外究其精意等因到局臣局伏查山西省此次辦理國

皇民代表大會各節實能依法進行範圍不越除此外各省及各特別行政區域辦理情形應俟各該監督報告到局再行彙報外所有報明國民代表大會據山西省國民代表選舉監督報告先後辦理情形理合繕同該省國民代表當選人名冊國民代表選舉人名冊辦理國民代表大會事務所職員名冊暨兩項投票開票管理監察各員名冊具摺陳明伏乞 皇帝陛下聖鑒謹 奏

政事堂奉

批令交內務部查照單並發此令

政事  
堂印

洪憲元年一月四日

國務卿陸徵祥

籌備國民代表大會事務局局長顧鼐奏報國民代表大會據廣西省國民代表選舉監督冊報先後辦理選舉投票暨決定國體投票情形摺

理選舉投票暨決定國體投票情形摺

奏為報明國民代表大會據廣西省國民代表選舉監督冊報先後辦理選舉投票暨決定國體投票情形恭摺仰祈 聖鑒事竊查國民代表大會各省及各特別行政區域籌備大概情形及選舉人資格選舉場所並選舉代表決定國體兩項投票日期前經臣局分別繕單彙呈在案現在國體業經決定各處所有依法辦理詳細情形自應分省彙案核明具報以昭鄭重茲據廣西省國民代表大會選舉監督權武上將軍陸榮廷遞接使王爾同造具廣西籌辦國民代表大會情形暨廣西選舉國民代表及決定國體投票開票情形各報告書以及一應名冊咨送前來臣局詳加覆核一切選舉程序及各選舉人並當選人資格均與法定相符謹據該監督等報告各節為我 皇帝陛下縷晰陳之一廣西省籌辦國民代表大會係於上年十月十日著手所有籌辦機關係以辦理國民會議暨籌備立法院議員選舉廣西覆選區辦理選舉事務所兼任依國民

代表大會組織法第四條之規定所有國民會議初選當選人及有覆選被選資格者兩項選舉人除初選當選人應依法選舉外其有覆選被選資格者由該監督等認定勳勞類蔣乃勳等十五名高等官吏類章繩武等五名學校畢業類楊紹中等五名畢業相當類朱永觀等二十三名不動產及資本類蔣孫敏等二十八名共七十六名於十一月五日准該監督等冬電報告到局旋經巨局於十一月七日陽電核覆在案此廣西省籌備國民代表大會之次第情形也一廣西省選舉國民代表投票日期係定於十一月十五日舉行嗣准該監督等十三日寒電稱全桂各屬距省過遠所有各初選當選人均難依限到省選舉國民代表投票日期較於十一月十七日舉行先期由該監督等委派譚儒輪等十四人為投票管理員黃居誰等十人為投票監察員並委派劉天佑等十二人為事務員及招待員投票場所設於耀武上將軍行署屆期由該監督親蒞率同在事人員敬謹將事是日上午九時開始投票計國民會議初選當選人及有覆選被選資格者兩項選舉人實到投票人數共三百五十八名次第投票完畢於是日下午四時仍在耀武上將軍行署設置之開票場所舉行開票由該監督等委派楊紹中等十二人為管理員高壽慈等十人為監察員當眾開票逐一唱名依法比較多數選出國民代表章錦恩等共七十七名並據該監督等電稱是日秩序井然儀容肅穆一切手續均臻完備所選出之國民代表均屬望重資深羣所欽仰允堪代表全省民意等語此廣西省選舉國民代表投票開票之情形也一廣西省國民代表決定團體投票日期係定於十一月十九日舉行投票開票場所仍設於耀武上將軍行署先期由該監督等委派譚儒輪等十二人為管理員黃居誰等十人為監察員並選擇精於攝影之人預備攝影機於投票所及開票所以便將投票開票各情形分別攝影以資紀念是日由該監督等親臨蒞視上午九時開始投票國民代表章錦恩等七十七名全體齊集無一缺席當由該監督等先行宣讀十月八日 告令俾各代表皆曉然於此次之投票解決國體實係徵求真確之民意然後由各代表等依法自由投票完畢即於是日下午一時開票委派張青選等十五人為管理員蒙啟勳等八人為監察員當眾開票檢票逐一宣唱結果全體一致贊成君主立憲並據該監督等電稱是日禮儀肅穆秩序井然來賓參

觀無不同聲稱慶等語此廣西省國民代表決定國體投票開票之情形也臣局伏查廣西省此次辦理國民代表大會各節實能依法進行範圍不越洵足表現該省地方人民一致贊成君主立憲之真意除此外各省及各特別行政區域辦理情形應俟各該監督冊報到局再行彙報外所有報明國民代表大會據廣西省國民代表選舉監督冊報先後辦理選舉投票暨決定國體投票情形理合繕具該省國民代表當選人名冊國民代表選舉人名冊辦理國民代表大會職員名冊選舉國民代表投票開票報告書以及國民代表決定國體投票開票報告書各件恭摺陳明伏乞 皇帝陛下聖鑒謹 奏

政事堂奉

批令悉交內務部查照單並發此令

政事堂印

洪憲元年一月八日

國務卿陸徵祥

督辦全國菸酒事務鈕傳善奏全國菸酒事務署擬設坐辦一員乞訓示摺

奏為全國菸酒事務署擬設坐辦一員以資助理恭摺仰祈 聖鑒事竊查全國菸酒事務署管理全國菸酒公賣及稅捐事宜職務繁要擬設置坐辦一員俾便佐理一切查有前任湖北財政廳廳長王荃本老成練達經驗宏深當菸酒公賣開辦之始經財政部委充公賣局籌議員規畫周詳頗資得力以之承充斯任實於菸酒事務前途不無裨補臣為因事擇人起見如蒙 兪允即由臣署暫行飭委所有擬設坐辦一員以資助理緣由是否有當理合恭摺具陳伏乞 皇帝陛下聖鑒訓示謹 奏

政事堂奉

批令准其設置坐辦一員著派王荃本充任以資佐理交財政部查照此令

洪憲元年一月七日

政事堂印

國務卿陸徵祥

都翊衛使阿穆爾靈圭奏副使陽倉扎布銷假摺

奏為翊衛副使力疾銷假恭摺代陳仰祈 聖鑒事竊據翊衛副使陽倉扎布詳稱前因回旗省親兼受時

疾先後詳蒙奏奉 批准給假醫治上年十二月二十二日復奉 批令准予續假一月仰荷 聖慈

體恤周至感激實深現病體雖未就痊而際此 景運昌明國基奠定萬不敢稍耽安逸自外生成比已力

疾來京用敢詳懇代奏銷假任事等情理合據情代奏伏乞 皇帝陛下聖鑒謹 奏

政事堂奉

批令悉此令

政事堂印

洪憲元年一月七日

國務卿陸徵祥

京兆尹王達奏擬請將本署各職人員王沛等分別叙官摺

奏為擬請將巨署各職人員分別叙官恭摺仰祈 聖鑒事竊查文官官秩令第六條之規定凡薦委各職

擬官進官加秩由所屬長官彙案奏請 命令行之又准銓叙局咨開京外薦委各職叙官擬請交局核復

詳由國務卿擬准照辦奉 批閱等因咨行前來遵查巨署應行叙官各員業經飭取證明文件詳加考核

均真履歷相符合無仰懇 天恩飭下政事堂交銓叙局從優核叙以資鼓勵之處出自 逾格鴻慈除

將該員等履歷咨送銓叙局外所有請將巨署薦委各職人員分別叙官緣由理合繕單恭摺具陳伏乞

皇帝陛下聖鑒訓示謹 奏

政事堂奉

批令交政事堂飭銓叙局核叙單並發此令

政事堂印

洪憲元年一月七日

國務卿陸徵祥

兼署奉天巡按使段芝貴奏備具簡任資格人員顏世清等懇請從優叙官摺

奏為備具簡任資格人員懇請從優叙官以資鼓勵謹繕履歷恭摺仰祈 聖鑒事竊查文官官秩令第六

條內載凡授官進官加秩係簡任職由 命令行之等因所有現任簡任文職均經銓叙局咨取履歷核辦

在案惟歷任簡任文職人員著有勞勩自應由所屬長官專案懇請 特予叙授以資獎勵而免向隅茲查

有巡按使署高等政治顧問顏世清前清以道員歷充直隸官報洋務局總會辦督署總文案調赴吉林充撫

署總參議暨諮議自治等局總理補西南路道調赴山西幫辦軍務民國元年充公府軍事參議兼直隸外交

廳長并經礦務局督辦上年臣在督理湖北軍務任內保舉人才奉 批交政事堂存記是該員之才猷卓

越經驗宏深早邀 睿鑒現在聘充奉天巡按使署高等政治顧問於奉省應與應革各弊端襄贊極備精

詳實屬勤勞懋著復由奉派充大典與議員兼大典籌備處總務股常川事務員血誠任事忠懇可嘉核其歷

充高等文職積資已在十五年以上又查有巡按使署政治諮議張鵬前清以直隸候補知府歷充捐務秋操

各要差均有成績保升道員調赴吉林充林業局長署吉林府知府有為有守卓著政聲補新城府知府改以

道員留吉民國二年在第一軍軍統前敵行營當差調充江寧要塞台營工程局局長積有勳勞奉獎給三等

文虎章嗣調湖北漢口理債處幫辦經長江巡閱使張勳保薦人才奉 令送覲於本年八月二十三日親

見奉

令交政事堂存記現經委充巡按使署政治諮議遇事獻替悉協機宜並由奉派為大典與議  
員核計該員歷充高等文職積資在十五年以上伏查官秩令載明文官在職著有勞績得進官或加秩又簡  
任職初叙授中大夫進叙上大夫少卿加秩同中卿等語該員等同係備具簡任資格現均服務賢勞自應接  
照進官加秩之規定從優叙授合無仰懇 恩施俯准將顏世清叙授上大夫加少卿銜張鵬叙授中大夫  
加上大夫銜以勵勤能而資激勵出自 鴻慈除咨政事堂並咨內務部外謹繕履歷恭摺具陳伏乞  
皇帝陛下聖鑒訓示謹 奏

政事堂奉

批令交政事堂飭銓叙局核叙履歷並發此令

政事堂印

洪憲元年一月七日

國務卿陸徵祥

安武將軍督理安徽軍務倪嗣冲  
安徽巡按使李兆珍

奏為淮北一區域皖境平面測量擬請由皖省自辦費省功多以維測政恭摺具陳仰祈 聖鑒事竊查全

國水利局呈據蘇省江淮水利測量局擬訂淮北一區域平面測量經費一案業經財政部核議由蘇皖兩省  
分籌撥濟呈奉 批令准如所擬辦理等因經部轉行到皖奉此事關兩省測政遠即飭行皖省水利局籌

議去後茲據該局復稱皖局開辦伊始即設皖北水利測量事務所原為籌辦皖北平面測量起見嗣因皖北  
英重改測淮泗兩河以工代賑遂將平面測量暫行停頓現淮泗兩河既經測竣自應查照原議接測平面所  
定路線自盱眙老子山起歷經泗渦靈五宿懷鳳蒙台等縣境共測六萬餘方里不獨美工師指定區域在所  
必測即沿淮之沱滄渦潁等十數河流縱橫於鐵路東西者俱括此測綫之內該測量事務所長宗嘉祿預

算經費祇需七萬五千四百餘元以與蘇局規定計畫皖境限自鐵路以東僅測二萬餘方里攤費六萬一千二百餘元兩相比較路綫則此多於彼經費則此少於彼就事論事皖境皖測何須蘇代況皖北水災路東路西情形相仿兼籌並顧尤宜擴充測綫以爲皖北各河疏濬之預備而弭百年之沉災所有此項測量應請歸皖自辦至所用比例尺蘇局係二萬分一皖亦二萬分一兩方銜接測綫彼此明白規定以期符合而免歧異等情並送皖省平面測量簡章前來臣嗣冲兆珍詳加察覈此項測量歸皖自辦既較蘇局計畫費省功多且於皖境治河弭災辦法大有關係自應請予照辦前巡按使韓國鈞不加研究竟飭財政廳先撥經費一萬餘元到蘇已函知蘇局繳還備用所有淮北一區域皖境平面測量請歸皖辦緣由除咨陳內務財政農商三部外理合檢同簡章恭摺具陳伏乞 皇帝陛下聖鑒訓示再皖北平面測量前經事務所所長宗嘉蔭督同測員預測成圖並具圖說到署應即檢呈一冊以備 睿覽合併陳明謹 奏

政事堂奉

批令交內務財政農商三部暨全國水利局會同核議具復附件並發此令

政事堂印

洪憲元年一月七日

國務卿陸徵祥

安徽巡按使李兆珍奏彙報委用各縣知事員缺繕單祈鑒摺(附單)

奏爲彙報委用各縣知事員缺繕單恭摺仰祈 聖鑒事竊查各省委用各縣知事員缺均按月彙報

審核歷經辦理在案臣奉 命巡皖所有本年自九月一日蒞任起至十一月底止遵委各縣知事員缺自

應援照成案彙報查核除將各該知事履歷咨陳內務部外理合繕單恭摺具呈伏乞 皇上聖鑒訓示謹

奏

政事堂奉

批令交內務部查照並由政事堂飭銓叙局查照單並發此令

政事堂印

洪憲元年一月七日

國務卿陸徵祥

謹將安徽省民國四年九月起自十一月底止委用各縣知事姓名及委任日期繕具清單恭呈

聖鑒

計開

- 委署繁昌縣知事畢錦元四年九月二十四日委署
- 委署休寧縣知事劉榮椿四年九月二十四日委署
- 委署東流縣知事許岳鍾四年九月二十四日委署
- 調署蕪湖縣知事余誼密四年十月十二日調署
- 委署黟縣知事吳克俊四年十月十二日委署
- 調署南陵縣知事章壽椿四年十月十二日調署
- 調署阜陽縣知事宋統衡四年十月十六日調署
- 委署天長縣知事李松材四年十月十六日委署
- 調署六安縣知事劉鴻慶四年十一月八日調署
- 委署祁門縣知事馮修文四年十一月八日委署
- 委署旌德縣知事黃應中四年十一月八日委署
- 委署婺源縣知事王允哲四年十一月八日委署
- 委署舒城縣知事甯祖武四年十一月八日委署
- 委署廬江縣知事曾綿榮四年十一月八日委署
- 委署霍邱縣知事易翔四年十一月八日委署
- 委署渦陽縣知事張其濬四年十一月八日委署
- 調署巢縣知事祝鑫田四年十一月二十三日調署
- 委署含山縣知事王樹恩四年十一月二十三日委署
- 委署歙縣知事趙安瀾四年十一月二十三日委署
- 委署績溪縣知事方以南四年十一月二十三日委署
- 委署涇縣知事黃佩蘭四年十一月二十三日委署
- 委署郎溪縣知事章識言四年十一月二十三日委署
- 委署五河縣知事王壽炯四年十一月二十三日委署

委署宿松縣知事張鍾武四年十一月二十三日委署

山東巡按使蔡儒楷奏前萊蕪縣知事凌念京等擊獲命案真實凶犯在三日以內擬請按例給獎摺  
奏爲知事擊獲命案真實凶犯在三日以內擬請按例給獎恭摺仰祈 聖鑒事竊查公布省官制第五條  
內載巡按使於所轄地方官吏認爲應給獎勵者呈請給獎並咨陳內務部又知事獎勵條例第十條第四款  
內載擊獲命案真實凶犯在三日以內者獎以第三等獎勵各等因茲查萊蕪縣民魏振甲於本年四月二十  
五日被趙魁成傷害致死一案經該前任知事凌念京即於次日擊獲真實凶犯依法判決又德平縣屬民婦  
郭楊氏於本年五月六日被閻榮仔閻徐氏毆傷身死一案經該縣知事周鈞即日擊獲真實凶犯依法判決  
據該管道尹及高等審檢廳先後具詳請將各該知事分別按例請獎前來臣復加查核前萊蕪縣知事凌念  
京德平縣知事周鈞擊獲命案真實凶犯均在三日以內核與知事獎勵條例第十條第四款之規定相符可  
否獎以第三等獎勵以昭激勸之處除咨陳內務部外理合恭摺具陳伏乞 皇上聖鑒訓示謹 奏

政事堂奉

批令交內務部照章核獎此令

政事  
堂印

洪憲元年一月七日

國務卿陸徵祥

山西巡按使金永奏核准免試知事杜錫麟現充要差援案懇免考詢先行分發任用並緩覲見摺  
奏爲核准免試知事杜錫麟現充要差援案懇請免予考詢由部先行分發任用並緩覲見恭摺仰祈 聖  
鑒事竊查第四屆知事試驗案內經臣保薦免試之杜錫麟審查核准由部咨行到管本應飭令依限赴部聽  
候考詢帶領親見惟查該員現充警備總司令部發審員職務重要未便遽離查各省核准免試知事人員因

身任要職迭經各將軍巡按使都統呈請免予考詢並緩覲見均先後奉准在案該員杜錫麟事同一律自應援照辦理合無仰懇 天恩俯准將核准免試知事杜錫麟免予考詢先行分發山西任用並懇緩覲俾資任使之處出自 鴻施逾格所有核准免試知事援案懇請免予考詢先行分發並緩覲見緣由謹恭摺具陳伏乞 皇帝聖鑒訓示謹 奏

政事堂奉

批令杜錫麟既係現充要差應准免其考詢先行分發任用並准緩覲交內務部查照辦理此令

政事堂印

洪憲元年一月八日

國務卿陸徵祥

山西巡按使金永奏冀寧道尹公署暨全省農桑總局薦委待遇各職員擬請分別叙官摺 奏為冀寧道尹公署暨全省農桑總局薦委待遇各職員擬請分別叙官恭摺仰祈 聖鑒事竊查文官官秩令第六條載凡授官進官加秩係薦任職由所屬長官呈請 命令行之等語當將巡按使署薦委待遇各職分別請叙在案茲據冀寧道道尹兼全省農桑總局長朱善元詳稱該署局各職員凡職務較重資格較優者按照文官任職表作為薦任待遇其餘作為委任待遇查取該員等證明文件詳加考核均屬資格相符造送履歷清冊詳懇轉請叙官等情前來臣詳加覆核該員等任職以來勤勞卓著成效可稽或與薦任資格相當或與委任資格相類自應准予轉請叙授以重銓政而勵資勞除將各員履歷清冊咨送政事堂銓叙局查核外所有冀寧道尹公署暨全省農桑總局薦委待遇各職員擬請分別叙官緣由理合恭摺具陳伏乞 皇帝聖鑒訓示施行再本省各屬應行叙官人員為數尙多容俟取齊履歷及證明文件查核合格另案請叙合併聲明謹 奏

政事堂奉

批令交政事堂飭銓叙局核辦此令

政事堂印

洪憲元年一月八日

國務卿陸徵祥

署四川巡按使陳宥奏報四年十月分委署各縣知事摺(附單)

奏為十月分委署各縣知事繕具清單恭摺仰祈 聖鑒事竊查川省委署各縣知事歷經按月具報在案

所有本年十月分委署各縣知事除將年貫履歷造冊咨送內務部暨銓叙局查照外理合繕繕清單恭摺具

陳伏乞 皇帝陛下聖鑒訓示謹 奏

政事堂奉

批令悉交內務部查照並由政事堂飭銓叙局查照單並發此令

政事堂印

洪憲元年一月六日

國務卿陸徵祥

謹將中華民國四年十月分委署各縣知事繕具清單恭呈

御覽

計開

署金堂縣知事趙瑛調省另候差委遺缺以分發知事黃綬署理

署北川縣知事呂聯乙撤任遺缺以分發知事趙宗瀚署理

署蘆山縣知事傅振舉撤任遺缺以曾任四川知縣徐芝署理

署昭覺縣知事胡百鈞因病辭職遺缺以分發知事胡世德署理

署備陽縣知事孫守正撤任遺缺以分發知事莊蔭椿署理

署綿竹縣知事曾焜撤任遺缺以分發知事何德平署理

署梁山縣知事黎宗華撤任遺缺由東川道道尹電請以重慶警察廳警正劉惠澤代理

代理雅安縣知事馬相祥請赴部考詢遺缺以分發知事蕭善選署理

署漢源縣知事李維楨撤任遺缺以分發知事張慶萃署理

署新繁縣知事劉傑調省遺缺以分發知事陳玉龍署理

署犍爲縣知事蔡錦丁懇遺缺以曾任四川知縣葉錫蕃署理

署廣元縣知事孔慶驥調省遺缺以分發知事王璟署理

兼代廣東巡按使龍觀光奏核准免試知事董盛柏等現任要職援案請免考詢先行分發任用並准緩

觀摺

奏爲核准免試知事董盛柏等現任要職援案請免考詢先行分發任用並准緩觀恭摺仰祈 聖鑒事竊查核准免試知事因充要差呈請免予考詢由部分發並懇緩觀歷奉 批令照准有案茲查有第四屆知

事試驗案內經前廣西巡按使張鳴岐保准免試知事董盛柏黎紹祧雲南巡按使任可澄保准免試知事徐

嘉鈺振武上將軍龍濟光於誘獲逆黨黃德修暨製造炸彈之李發等十人案內保准以縣知事免予試驗分

省任用之余澄清等四員均應赴部聽候傳詢帶領覲見分省任用惟董盛柏黎紹祧現充查勘南雄始興兩

縣煙苗委員徐嘉鈺現充高雷道署秘書余澄清現充廣東金庫庫長該員等均身任要差一時未能遠離擬

請免予考詢並緩觀見董盛柏黎紹祧徐嘉鈺均先發廣東任用余澄清籍隸本省應請飭下內務部先予分

省任用仍暫留粵以資熟手所有核准免試知事現任要職援案請免考詢先行分發並准緩觀各緣由除咨

陳內務部外理合恭摺奏請 皇帝陛下鑒核訓示施行謹 奏

政事堂奉

批令該員等既係現任要職應准免其考詢即行分發任用其籍隸本省之余澄清一員准先行分發省分仍暫留供差並均准緩覲交內務部查照辦理此令

政事堂印

洪憲元年一月七日

國務卿陸徵祥

兼代廣東巡按使龍觀光奏擬調達恩承留粵任用並緩覲見請訓示摺

奏為調用賢員以裨治理恭摺仰祈 聖鑒事竊查仰署桂林道尹達恩承山東膠縣人前清由候選郎中

於光緒二十七年在順直賑捐案獎以道員分省補用簽分廣東因親老告近改簽江蘇旋改指直隸會歷充

江蘇營務處洋務局會辦直隸憲法研究所會辦諮議局籌備處參議自治籌備處參議保定練餉局兼營務

處會辦調查漢口學務委員民國成立歷充中國紅十字會文牘員山東臨時省議會議員山東省議會議書

長廣西行政公署秘書北京財政部會議委員迭任各項要差均綜核精密措置裕如三年八月經前廣西巡

按使張鳴岐呈請以道尹交政事堂存記遇缺簡補十月一日奉 批令達恩承著先行送覲該員是時適

充兩粵廣西銀行監督要差未及赴覲四年二月呈准委署桂林道道尹六月六月奉 令達恩承授為中

大夫此令等因該員現於十月二十七日交卸桂林道尹 觀光 素知該員器識宏深才猷卓越持躬誠樸慮事

精詳現已電調來粵委充巡按使公署機要文案合無仰懇 恩施俯念粵省需才孔亟准將該員留粵任

用並緩展覲以資佐理所有請調賢員留粵任用緣由理合恭摺具陳伏乞 皇帝陛下聖鑒訓示施行謹

奏

政事堂奉

政府公報

奏摺

一月十四日第九號

批令達恩承准其留粵任用暫緩覲見交政事堂飭銓叙局查照此令

政事堂印

洪憲元年一月七日

國務卿陸徵祥

廣西巡按使王祖同奏請將政務廳長杜嚴叙官摺

奏為簡任人員應請叙官造具履歷清冊恭摺仰祈 聖鑒示遵事竊查前奉 教令公布文官官秩令

第三條內開文官授官進官加秩依左列之規定任簡任職者初叙授中大夫進叙上大夫少卿加秩同中卿

但履職積資十二年以上曾為簡任職者初叙得授上大夫履職積資十四年以上曾為簡任職者初叙得授

少卿又第六條內載凡授官進官加秩係簡任職由 大總統命令行之各等因所有京外簡任各職應行

叙官人員已先後奉 令分別叙授在案茲查有簡任廣西政務廳廳長杜嚴現尚未蒙叙官應如何叙授

之處理合造具履歷清冊恭摺具陳謹乞 皇上聖鑒訓示施行謹 奏

政事堂奉

批令交政事堂飭銓叙局核辦冊並發此令

政事堂印

洪憲元年一月七日

國務卿陸徵祥

廣西巡按使王祖同奏調分廣東任用現署蒼梧縣知事任祖安請仍改分廣西摺

奏為調分廣東任用現署蒼梧縣知事任祖安人地相需請仍改分廣西以資久任恭摺仰祈 聖鑒事竊

查第四屆保免試驗縣知事任祖安前清原屬廣西候補人員曾經歷署廣西陸川縣知縣藤縣知事現署蒼

梧縣知事該員勤政愛民頗稱循吏前經廣東巡按使張鳴岐於調用賢員案內奉 批令分發廣東任用並准緩覲在案茲據蒼梧道尹于蔭堂詳稱以蒼梧爲兩粵樞紐地屬緊要該員辦事因應適當甚屬得力請予久任等情前來查該員前曾咨明廣東巡按使暫留在案現據前情爲地擇人自應仍留廣西以資治理合無仰懇 恩施俯准將該員改分廣西以期久任除咨內務部及廣東巡按使外所有分發廣東縣知事任福安懇予改分廣西緣由理合恭摺具陳謹乞 皇上聖鑒訓示謹 奏

政事堂奉

批令任福安准其改分廣西任用交內務部查照辦理並行知廣東巡按使查照此令

政事堂印

洪憲元年一月七日

國務卿陸徵祥

雲南巡按使任可澄呈華坪縣屬被水成災飭委覆勘文

爲華坪縣屬被水成災飭委覆勘恭呈仰祈鈞鑒事民國四年十一月三十日接據試署華坪縣知事彭世功詳稱民國四年十月二十二日據縣屬高寨約約董惠春和報據把基住民楊耀榮等報稱本年七月二十日夜因該處大雨滂沱河水暴漲沖壞堰堤田畝又據永北縣屬民人李芳等報稱伊等坐落縣屬馬頭田田畝亦同日被水沖壞各等語約董往查屬實合報請詣勸十月二十四日復據永北縣屬民人余誠等報稱伊等坐落縣屬柳鎮田田畝於本年七月三十日突被河水沖損請詣勸各等情先後到縣據此查把直距城一百二十里馬頭田距城一百一十里柳鎮田距城一百二十里當經知事先後馳往各該處分別勸得楊耀宗李芳余誠等各田畝或被沖沒無存或被水淹沙積此項被災田畝本年已無收穫即墾復亦多艱難目擊情形實堪憫惻除逐戶分晰造冊陳核外知事查該楊耀宗等於本年七月三十日各被夏災延至秋末始行稟報

自在例定報災限外惟查該民等均係鄉村無識愚民前奉勸報災款條例施行未久不免因未週知致逾例  
 限擬請鈞使俯念該民等被災較重情形可否特准委勸核辦之處伏候鴻施除督飭各該被災人民設法拯  
 復懇以免誤農事外所有據報被災詣勸大概情形理合具文連冊詳報請祈俯賜查核示遵等情到署據此  
 查該縣屬高寨地方於本年七月內被水成災延至十月始行具報核與災款條例不符惟查該華坪縣地處  
 夷鄉設縣未久該鄉民等不諳條例致逾限期既據聲明情形應准仍照災案辦理以恤邊氓除飭騰越道  
 尹楊福璋遵委安員馳往該縣會同該縣知事詳細履勘依例結報并咨陳內務財政部備案外所有華坪縣  
 屬被水成災各緣由理合恭呈具陳謹乞 大總統鈞鑒謹 呈

政事堂奉

批令悉交內務財政兩部查照此令

政事堂印

洪憲元年一月六日

國務卿陸徵祥

昭武上將軍督理熱河軍務兼熱河都統姜桂題奏恭報舉行宣誓日期暨飭屬遵辦情形摺

奏為恭報舉行宣誓日期暨飭屬遵辦情形仰祈 聖鑒事竊本年五月一日承准統率辦事處四月二十  
 八日封寄本日奉 大元帥訓令現在民國甫建時事多艱首賴軍人忠誠衛國近日特崇武廟祀典即在  
 以大義精忠為我全國軍人師表凡我軍人亟宜仰鑒前型以報國自矢茲特頒發誓詞八條並飭統率辦事  
 處撰定宣誓規則分發遵行著即督飭所屬任職軍官在堂學生在伍士兵各就所駐地方擇期舉行宣誓大  
 典嗣後軍官授職學生入堂及士兵入伍凡前未宣誓者一律隨時宣誓著為令典永遠遵守用振士氣而固  
 軍心此令等因遵此封寄前來並准將宣誓規則誓願書暨關岳印像史略先後頒發到署遵即敬謹祇領飭

發所屬遵照去後查熱河毅陸巡防各軍多分防外縣或駐紮邊道路窳遠集合不便自應各就防地分期舉行爰於十一月二十一日臣親率公署參謀長以下人員暨各軍事機關駐城毅軍各營官佐士兵等齊集本城關岳廟內遵照誓願八條首先宣誓並將誓願書分授籤押咸皆恪恭將事出於至誠至外防各軍惟北路巡防遊擊馬隊林西鎮守使署現因剿辦蒙匪尙未舉行其餘各軍均恪遵規則先後辦竣詳報前來除將已經宣誓者造具誓願書號數清冊彙報統率辦事處陸軍部備案外所有在省官佐士兵舉行宣誓日期暨飭屬遵辦情形理合恭摺具陳伏乞 皇帝陛下聖鑒謹 奏

政事堂奉

批令交陸軍部查照此令

政事堂印

洪憲元年一月六日

國務卿陸徵祥

綏遠都統潘矩楹奏爲彙報民國四年分綏遠區各縣夏收分數繕單祈鑒摺(附單)

奏爲彙報民國四年分綏遠區各縣夏收分數謹繕清單恭摺仰祈 聖鑒事竊查民國三年十月十二日案准財政部咨鈔戶部則例田賦門題奏收成第一第二兩條暨獨郵門查勘災賑事例第一第二兩條作爲暫時辦法內載各省每年夏熟秋禾收成分數責成確查照例分別具報等因曾經臣轉行道飭所屬各縣遵照依限查報在案茲據歸綏財政分廳廳長劉瞻漢將民國四年分夏收分數覆覈繕單轉報前來臣覆查綏區所屬除武川東勝兩縣據原報聲稱均因境內氣候奇寒每歲僅有秋收一次向無夏禾無憑填報外其餘各縣按照原報收成分數逐一覈明均尚確實綜計綏遠全區夏禾收成平均實在四分有餘委因今夏天氣亢旱收穫微形減色民食尙不至缺乏除咨陳內務財政兩部查照外所有彙報綏區各縣民國四年夏禾收

成分數緣由理合繕繕清單恭摺具陳伏乞

皇帝聖鑒謹 奏

政事堂奉

批令悉交內務財政兩部查照單並發此令

政事堂印

洪憲元年一月六日

國務卿陸徵祥

謹將民國四年分綏遠區各縣夏禾實收分數理合繕具清單恭呈

御覽

計開

歸綏縣四鄉平均實收四分

靈拉齊縣四鄉平均實收六分

五原縣四鄉平均實收四分

托克托縣四區平均實收三分餘

清水河縣四鄉統計實收五分

和林格爾縣四鄉統計實收四分餘

總計綏遠區所屬各縣平均計算夏禾實收四分有餘武川東勝兩縣均因境內氣候奇寒每歲僅有秋

收一次向無夏禾無憑填報理合陳明

綏遠都統潘矩楹奏薦任文職聶樹屏王為幹二員請予叙官摺

奏為薦任文職懇請准予叙官恭摺仰祈 聖鑒事竊查文官秩令第三條內載文官授官進官加秩依

左列之規定任薦任職者初叙授上士進叙少大夫中大夫加秩同上大夫但歷職積資八年以上曾為薦任

職者初叙得授少大夫歷職積資十年以上曾爲薦任職者初叙得授中大夫又第六條載凡授官進官加秩係薦任職由所屬長官呈請 命令行之各等因茲查有綏遠墾務局總辦聶樹屏歸化城南壕局局長王爲幹自奉 恩命尙未叙官該二員均曾爲簡任官現供今職核其歷職積資聶樹屏在十年以上王爲幹在十八年以上自應循例請予叙官以副我 皇帝官盛任使之至意除將履歷咨送銓叙局外理合恭摺具陳伏乞 皇帝聖鑒訓示施行謹 奏

政事堂奉

飭令交政事堂飭銓叙局核叙此令

政事堂印

洪憲元年一月六日

國務卿陸徵祥

督辦近畿疏通河道事宜徐世光奏近畿疏通河道公所存記人員及任事各職擬請分別叙官摺  
奏爲近畿疏通河道公所存記人員及任事各職擬請分別叙官仰祈 聖鑒事竊查文官官秩令第六條簡任職授官由 命令行之薦任職授官由所屬長官奏請 命令行之等因自應遵照辦理臣組織近畿疏通河道公所迄今半載分處治事力戒浮濫各該員任事以來皆能克盡厥職卓著勤勞茲值叙官曠典百僚欣企所有京外各機關應行叙官人員歷奉叙授在案本公所事同一律應即援案奏請惟河道公所官制雖未經奏請頒布而處長職務較崇實具有簡任性質俟編制完備將來另案請簡查有總務處處長仍交政事堂存記道尹趙凌雲濬治處處長政事堂存記道尹車保成歷職積資均在十八年以上得有簡任資格調查處處長特准免試分發任用縣知事馬丕緒歷職積資在十二年以上雖係薦任人員確有簡任資格總稽查前興和道尹劉印昌歷職積資在十八年以上得有簡任資格文牘股員前度支部生事鄭祿昌歷職積

資在十二年以上文牘股員特准免試分發長蘆任用場知事周學俊歷職積資在八年以上均得有薦任資格以上六員查與事實相符允宜優予叙授擬懇 飭交政事堂銓叙局查照文官官秩令進官加秩之條從優議叙俾資獎勵出自 逾格鴻慈除將各該員履歷咨呈政事堂查核外所有近畿疏通河道公所存記各員及任事各職擬請分別叙官緣由理合恭摺具陳伏乞 皇上聖鑒訓示施行謹 奏

政事堂奉

抵令交政事堂飭銓叙局核叙此令

政事堂印

洪憲元年一月七日

國務卿陸徵祥

步軍統領江朝宗奏報京師及四郊地面得雪情形摺 聖鑒事竊據臣衙門兩翼翼尉五營將官等詳稱一月五日上午九點降雪至下午二點雪止奏為京師及四郊地面得雪情形恭摺仰祈 皇上聖鑒謹 奏

政事堂奉 批令悉此令

政事堂印

洪憲元年一月八日

國務卿陸徵祥

督辦全國菸酒事務銜傳善奏改設全國菸酒事務署於一月一日治事並啟用關防摺 奏報全國菸酒事務署改組成立暨啟用關防日期恭摺仰祈 聖鑒事竊臣前奉 策令督辦全國菸酒事務當將感激下忱恭摺具陳並請 飭下印鑄局鑄製關防以資信守曾經奏奉 批准在案遂即查照財政部原呈將全國菸酒公賣局改設全國菸酒事務署即以前財政部舊署作為辦公地點於本年一月一日開署治事承准政事堂頒發督辦全國菸酒事務關防一顆即日敬謹啟用所有全國菸酒事

審署改組成立暨啟用關防日期各緣由理合恭摺具陳伏乞 皇帝陛下聖鑒 奏

政事堂奉 批令悉此令

政事堂印

洪憲元年一月七日

國務卿陸徵祥

廣西巡按使王祖同奏報鎮南道尹馬振漢到任日期並代陳謝悃摺

奏為轉報鎮南道尹兼鎮南關監督到任日期並代陳謝悃摺 聖鑒事竊查鎮南道尹一缺前經電呈請以新簡柳江道尹馬振漢調署奉 令照准當經轉飭遵照復經激飭該道尹先行兼理鎮南關監督並電請財政部呈明委任各在案茲據署鎮南道尹兼鎮南關監督馬振漢詳稱民國四年八月四日恭奉 策令任命馬振漢為廣西柳江道道尹等因振漢循例覲見猥蒙 褒嘉

海諭周詳莫名欽感遵即束裝起程赴桂奉飭調署鎮南道尹兼理鎮南關監督振漢於十一月十一日抵龍十二日敬謹接印任事伏念振漢豫州隸籍粵籍派官仕版初登慚無寸進薦章俸列敢冀三升欣承 簡命特煩譯荷監司重任 綸音寵錫益高厚之難關邊徼分巡

效涓埃之圖報查鎮南僻處巖疆民守法越觀民察吏固宜內政修明玉致珠璣尤貴外交輯睦重以新關監督稅源未易兼營雖曰舊章率由庶政殊難舉庸恐自付隕越時虞振漢惟有遵乘調於軍巡近就商於師鎮督率十邑知事保衛九邊庶民冀仰答 鴻慈於萬一所有振漢到任日期及感激下忱理合備文詳請轉奏分咨等情據此除分咨內務財政兩部及銜叙局外理合據情轉呈謹乞 皇上聖鑒 奏

政事堂奉 批令悉此令

政事堂印

洪憲元年一月七日

國務卿陸徵祥

廣西巡按使王祖同奏轉報署鎮南道尹馬振漢奉到新印及啟用日期摺

奏為鎮南道尹奉到新印及啟用日期恭摺具陳仰祈 聖鑒事竊查鎮南道尹印信前准內務部咨由前巡按使張鳴岐派員赴部請領隨據領回署旋因鎮南道尹一缺呈准以新簡柳江道尹馬振漢調署當將印信飭發該道尹收領攜帶赴任啟用去後茲據署鎮南道尹馬振漢詳稱於本年十一月二日奉到銅質印信一顆文曰廣西鎮南道尹之印遵即祇領赴任於十一月十二日到任視事即於是日啟用新印除將前准任移交舊用鎮南觀察使木質印信另文詳繳外理合將奉到新印及啟用日期詳請分別奏咨等情前來除分咨政事堂內務部外所

請前來除分咨政事堂內務部外所

有鎮南道尹奉到新印及啟用日期理合恭摺具陳謹乞

皇上聖鑒謹 奏

政事堂奉

批令悉此令

政事堂印

洪憲元年一月七日

國務卿陸徵祥

長沙關監督兼任外交部特派湖南交涉員劉道仁奏報到任日期並敬抒謝悃摺

奏為恭報到任日期並敬抒謝悃仰祈

聖鑒事竊臣於本年十月十七日在宜昌關監督任內恭奉

策令劉道仁調任長沙關監督兼

任外交部特派湖南交涉員此令嗣經財政部彙案咨行鈺叙局詳由國務卿呈請分別緩覲免覲奉本年十一月六日

于接覲貴藩准其免覲此批各等因並由財政部總務廳頒到簡任狀暨 申令各一紙奉此臣遵即於本年十二月五日交卸宜昌關監督

兼務馳抵湖南於十二月二十四日准湖南財政廳廳長兼代長沙關監督嚴家熾將關防印信及文卷等項咨交前來臣即於是日敬謹就職

任事伏念臣一介非材久官梓里涓埃未報漸感正殷乃荷 簡調湘江拜 新恩之下責仍得兼權外務更憂短而汲深自顧頑庸惟有

勉竭駑駘之愚以期仰答 鴻慈之厚所有臣到任日期及感激下忱理合遵摺修正覲見條例第六條之規定恭摺具陳伏乞 皇上聖

下聖鑒謹 奏

政事堂奉

批令悉此令

政事堂印

洪憲元年一月七日

國務卿陸徵祥

# 公電

湖北將軍王占元巡按使段書雲電奏一月十日

政事堂統率辦事處鈞鑒昨奉陽電遵即徑電具奏並鈔稿電達在案查鄂省爲長江重鎮平時防範本已極嚴自滇事發生以來即又加派幹探節節設防亂黨已無隙可乘地方均稱安靖軍政紳商各界僉以滇省一隅之事天戈所向不難指日盪平且沿邊各省業已聯合小醜跳梁決不敢越雷池一步惟慮應顧懇 皇上速登大寶以正人心所有地方治安占元書雲職守所在自應完全擔負責任即紳商士民亦均固結一心保持秩序決不致稍有他虞除通告各省外尙乞代奏以慰主廬王占元段書雲叩蒸印

湖南將軍湯壽潛巡按使沈金鑑電奏一月十日

皇帝陛下聖鑒前以滇事發生人民望治尤切曾於上年十二月二十九日專電具奏鑄請我 皇帝早日登極以安人心計蒙睿鑒近來各省國民代表先後電請參政院代奏均請我 皇帝早登大寶以正名分無不延頸企踵以待綸音之早降蓋鑒於逆黨藉詞煽亂猶是共和之餘毒而共戴一尊之念尤爲迫不及待湘省迭經亂黨擾害人民飽受痛苦疾惡如仇厥亂尤甚自見唐任逆電莫不深惡痛絕決不致受其簧鼓小醜跳梁實犯衆怒天威所及不難指日蕩平至湘邊轄地臣等以會值冬防早已分飭駐防軍隊及水陸警察各縣知事妥爲佈置協力防範近據各屬報告僉稱本年歲時豐稔礦產發達游民稀少閭閻安居樂業近屆陰曆年關商民均極優裕毫無恐慌情狀地方安謐之象爲從來隆冬時期所未有如大典告成以後民志愈爲堅定更無慮有何種變亂發生即或山深林密之區匪盜尙未淨絕一有警耗各地方軍警均可以立時撲滅而有餘臣等職在守土責在綏民對於一省治安應負完全責任即在平時尙當力籌保衛茲際邊氛未靖之時更何敢稍有疏虞上煩宵旰之憂慮惟登極之詔未頒斯人心惶疑靡定伏祈我 皇帝乾綱獨斷早登大位以定天澤之名分而慰率土望治之殷情臨電不勝誠懇誠悚之至臣湯壽潛銘臣沈金鑑謹奏佳印

山東將軍靳雲鵬巡按使蔡儒楷電奏一月十日

政事堂統率辦事處鈞鑒陽電敬悉伏查魯省民情久經厭亂陸防軍隊夙具血誠國體解決以來莫不歡欣

鼓舞擁戴中央民意軍心均屬異常穩固且自青紗帳落地地方盜風亦極斂戢尤不致滋生他變即令小有竊發斷無礙於大政曠楷等身任地方責無旁貸惟有督飭軍警晝夜梭巡防患未然決不至於大典告成之後發生變端以仰體我 皇上視民如傷之至意謹電陳復伏乞代奏斬雲翳蔡儒楷灰印

陝西將軍陸建章等電奏一月十日

大皇帝陛下聖鑒國體解決以來此間軍民關於御極大典望若雲霓北首燕雲嵩呼彌月細察陝省民意渴望我 皇上御宇之懇學已達極點決無亂象之可虞建章等職司守土不敢粉飾地面之真象上墜

聖明又何敢隱蔽民意之至誠遺誤大局用再籲懇 皇上早賜筮吉舉行登極大典以安反側而副民望

所有陝省維持地面一切建章等職務所在自信能負完全責任伏乞我 皇上俯釋廬念無任悚惶待命之至咸武將軍督理陝西軍務臣陸建章幫辦陝西軍務臣劉承恩陝西巡按使臣呂調元謹奏灰印

湖北將軍王占元巡按使段書雲電奏一月十日

皇帝陛下聖鑒竊自唐繼堯任可澄等逆電傳來接閱之餘毗裂髮指當即飛電切責一面電請統率辦事處代奏請伸天討並恭電奏懇 皇上速正大位以定人心嗣又據湖北國民代表電請代行立法院奏請命

將出師聲討逆罪尤以時機迫切籲懇早登大寶以順輿情各省軍民亦皆文電交馳再三陳請人心皇皇仰望日亟乃我 皇上聖懷冲抑審慎遲回詎賞陽劉顯世龍建章等儉豔各電忽以箇人之私意妄揣全國

之民心自相矛盾之言固無討論之餘地殊不知辛亥以來人民飽受共和之痛苦非我 皇上神武戡定

大局早已不堪故癸丑轆轤之變諸巨逆擁兵之衆據地之廣煽亂之亟而民心終不可奪者是以知我四萬

萬人民之所託命翊戴我 皇上之心已非一日况此次變更國體係經全國國民代表決定於最大之法

定機關鐵案如山宣布中外決不能因彼少數亂徒之反覆致累國民全體以見譏我軍人本為保障人民民

意所歸即軍心之所至鄂省軍民素洽且與占元等相處有年衛國保民始終一致一聞滇叛敵愾同仇衆志

成城亂黨決無由得逞即或偶有蠢動亦不難立時撲滅斷不容擾及治安此占元等可以力任而無他慮也

但君位一日未正人心一日不安即邪說一日不息惟有仰求 皇上本救民救國之懷即日御極俾保民

信而振國威則大局幸甚臣民幸甚臨穎曷勝惶悚迫切之至署督理湖北軍務一等侯臣王占元湖北巡按

使一等男臣段書雲謹奏洪憲元年一月九日印

吉林將軍孟恩遠巡按使王揖唐電奏一月九日

政事堂代行立法院鈞鑒茲復據吉林國民代表趙太一朱奎章柳乙青朱翰章馮詠衡張鳳墀龔文藻劉哲  
和興魁聶樹滋史齒楊振洲毛鴻勛劉潤之高振盞馮蘭秀蔣增翰杜作霖楊作舟曲永聲初連甲李慎沈崇  
綬任嘉我達長增石書鳳賈明善馬秉虔李春榮何植樸楊光輔楊顯生金明川何其章何忠聲徐文林祐華  
如等函稱竊國民代表等前以滇逆反覆於上月三十日逕電代行立法院建議政府宣布該逆等罪狀大張  
聲伐等情業經奏准施行在案查君憲國體實出民意既經宣布萬無反汗之理回溯四載漂搖人民飽受驚  
恐無主乃亂古有明徵今國體決定已久乃迄未見實行若長此稽延或生他變既違我人民想望太平之宏  
願亦負我 皇上出任艱鉅之初心斯夕徬徨罔知所措國民代表等企望為勞合再祈代奏籲懇 皇  
上俯順輿情早正大位行見反側即定中外翕然天下安危在此一舉臨穎不勝悚惶待命之至等情民意如  
此萬難再延謹此轉陳乞即代奏是禱孟恩遠王揖唐叩齊印

大同孔庚電奏一月十日

皇帝陛下聖鑒竊自共和立國人心趨嚮君憲已非一日故一經學理之研究遂成爲公認之事實臣曾迭電  
籲懇早正大位俾順輿情諒邀睿鑒乃未幾而滇逆反覆欲以一隅而抗全國此不過爲新朝點綴武功添加  
史料天戈所指穴蟻焉逃臣前籲懇先登極而後平亂實本於古先帝王開基創業之成規非臣擅作聰明之  
譎語未蒙擇採莫名悚惶今者正朔已更人心稍慰凡百十庶莫不仰首企踵盼望登極以爲天位一正海宇  
自安伏懇我 皇上毅然乾斷早登大寶以慰億兆臣民之望至於晉北地方均經臣仰承同武將軍督理  
山西軍務臣聞錫山指揮妥爲布置并常會同雁門道尹臣鄒道沂接見軍民人等莫不異口同聲贊成君憲  
決無他故發生上煩聖慮嗣後益當督飭所屬竭力保衛地方期報涓埃而酬恩遇謹再電陳伏乞聖鑒無任  
瞻望就日迫切待命之至臣三等男晉北鎮守使孔庚謹奏齊印

經棚崑崙源電奏一月十日

政事堂統率辦事處鈞鑒頃讀陽日通電敬悉慎事發生以來主座重勞憂惕良深依戀崑崙源待罪蒙疆軍事

將次告終蒙邊秩序就安雖無地方之責而臣下之情有不能不以上陳者竊謂今日大勢所趨全國上下決  
 定君憲崇奉一尊似不應以癩疥之患阻礙大政之進行自來一代之興皆資武力禹黷防風湯伐鬼方固有  
 東征之師三代盛王亦各撥亂而反之正漢唐更無論矣瀛省遠處邊陲地瘠兵燹不逞之徒乘機竊發一旦  
 王師所指譬若焚蓬沃炭不難剋日蕩平為天下全局計祇有籲懇主座早登大位正命定分首奠丕基再命  
 鷹揚之佐旭日升而陰霾自化臣肝衡時局欲計各省疆吏皆係佐命元勳必能綏靖疆土以保安寧即偶有  
 匪徒潛伏亦屬釜底游魂崑源雖驚下竊願效前驅而張撻伐所有區區戀闕下忱伏乞聖鑒訓示不勝屏營  
 待命之至乞奏崑源青

河南將軍趙倜巡按使田文烈電奏一月九日

政事堂鈞鑒據開封等一百八縣知事張勳淦等并地方文武紳商醫學各界聯名電稱竊維春秋之義莫大  
 於居正會歸之極必建自維皇此古今之通義也近自國體解決改定君憲含生之類環海之間悉主悉臣誠  
 歡誠忱延頸企踵北望喁喁咸以為聖人首出萬世永寧雲霓之望日暮感矣乃匝月以來民國之局已經終  
 結君主之位尙屬虛懸四民皇皇甚於望歲雖因再三之籲懇允以民志之勉從然帝位一日不即真即人心  
 一日不大定滇南一隅近已乘間竊發固由唐任蔡戴諸逆包藏禍心梟獍成性亦未始非聖德冲抑謙讓不  
 居有以潛生其覬覦是知天眷未可終違神器不宜久曠伏乞迅電政事堂奏請我 皇帝祇承天命早登  
 大寶一面命將出師聲罪致討庶天澤定位建萬年有道之基中外歸仁慰兆姓來蘇之望不勝迫切屏營之  
 至等情理合據情電陳請予代奏趙倜田文烈齊印

上海護軍使楊善德護軍副使盧永祥電奏一月十日

皇帝陛下聖鑒承准政事堂統率辦事處陽電囑即切實將所轄地面情形在大典既成之後是否敢不致有  
 重大變亂設匪徒偶有蠢動能否立即截平等因竊維國體既定神器攸歸允宜早握乾符以慰衆望况歷代  
 通禮之際小醜跳梁事所恆有率皆首定大計而後綏靖邊隅斷無因二三梗化之徒小有阻撓遂稽盛典考  
 諸前史歷歷可徵臣等擬請 皇帝一面命將出師大張撻伐一面速正大位早定一尊既慨羣倫望治之  
 心亦戡臬桀覬覦之念至松滬防務節經臣等安慎佈置嚴密防維默察情形可無他虞除仍督飭軍警認真  
 防範加意偵察外謹此電奏伏乞 皇上聖鑒松滬護軍使臣楊善德松滬護軍副使臣盧永祥謹奏恭印